桐

江

集

桐工集目錄 卷三 請太倉梯米集跋 請接攻棍桐 承文儀 禮經傳跋 虚疑跋 文 荆 道先生詩跋 公書劉屏山詩跋 公詩說跋 可以上了大 山詩跋 君祠 記跋

讀續釋常該跋	讀劉章梯誌跋	讀盤谷序跋	讀李滿水集跋	讀法詞總類跋	讀胡評事夢显書跋	請陳君舉谷晦翁庵書跋	讀陳同南文集三跋	請陳同甫文集二跋	讀陳同甫文集一跋	林泽巨星

-	跋趙一溪詩	跋尤米寮詩	跋逐初尤先生尚書詩	跋羅鄂州爾雅翼	跋國史定養胡公升丁已雜豪	讀後山詩註跋	讀後山詩話跋	讀鄭北山集跋	讀包宏翁與帚集跋	讀賞應剃溪集跋

		跋吳蘭專詩	跋汪居若楫詩文	跋汪崇亮詩	跋吳友梅詩資深	跋吳古梅詩龍翰	跋模楚材詩	跋昭武黄 漢文卷	1.241.21.
								•	,
		•							
	6.46								

兴畫夜其中首起於冬至司馬公潛虛五十二名一 之變始於元終於餘各一變以配乎天之三百六十日 揚雄太元八十一首一首九贊以配乎天之三百六十 加哥耦而為八卦 其法亦始於冬至子雲自謂以元准易而張敦實又以 虚為準元回有所未喻夫易自一部 桐江集卷三 隂 一陽加奇耦而為四象自老陰老陽少陰少陽 讀潛虛疑跋 又加奇耦以至於六十四卦 元 (e) 一耦 而為兩儀自 撰 卦 名

其解頗若理獨可喜耳司馬公之虚一名之變一變為 之赞或其夜之贊以定吉凶則臆說固未必果驗徒有 交為三百八十四交其所以占吉凶悔各有千變萬 角 如是之拘也皆出於漢儒傅會之說子雲之元准之歷 日七分之說以三百六十文分配一年聖人作易本 四交分配四季為二十四氣而以復卦七日來復為六 則若可觀矣以之準易則一首為四日半占得其 日其吉凶城 可窮之妙而其實不過一陰一陽而已陰四卦 羽 加變微 桐葉卷三 為一名人替者此杜撰 否恐亦無驗而所謂取法五行為宫 一也齊為中

位 則易曰該宜語憂如夫婦子父則易曰特偶續考如 繇齊雅湛如進退動静 合天地五十五之數然其實意義不通倫序無理 名為形之運總十一字以拾之雖若每五名皆配 國政功業自柔至隆五名而分 事深僻其他故為改更以示難解如喜怒哀樂則易 三名無 不占不 元為始餘為終皆一 三也且其五十五名之所以立惟柔剛容言等字 知此 位 两皆 何 同工集卷三 所 據此杜 一變實五十五名以性動情事德 變不占它五十二名之初亦 則易口前却安養如仁義禮 撰二也五十二名各一變外 一字以元衰散餘齊 此 五 家

也子雲 衆 運 足進徳若元與虚 回 他人則 周而 艱 周 於占則甚浅於義理則 也且易之占 東承應否內外 天子庶人若 君 深若足以惑人者其不為子雲之床下床吾 殊 臣 復 不知卦之所復盖取夫陽之來復豈但一歲 以元準易不得其與更與字面如擬復則易 則易曰范徒 鈍 始之復哉凡此者類皆可笑惟吾文公深 者不晚一 貴 徒能巧取名數擬配歲紀 與賤隨所得而義 林隸則只皆杜撰之淺近自 不敢議聰明者恍其小而 拘 而 不通 正悔或得全卦或得 學者勿惑馬可 無窮不占而 以為美 不

多如訪張子直承出者花戲書云平日邀相見過門 此是豪雄人能誦之然尾句微露豪氣步驟頗似康節 地有形外思入風雲變態中富貴不沒貧賤樂男兜到 文公謂潛塵非司馬公全書好事者偽成之云 際是輕陰等句前輩皆當指出矣子披讀全集佳句 窓日已紅萬物 明道先生詩開來無事不從容此與 不逐貪隨者花伴應笑我龍鍾又云 如莫辭盃酒十分醉抵恐風花一片飛未須愁日暮 明道先生詩政 桐葉卷三 静觀皆自得四時佳興與人 **之曾** 而哲 下馬問老僕言公 寶 寶言 非志 同道通天 睡覺東

自來如鳥聲人意融和候草色花香杳霭間豈不 到此也其代挽王宣微遊崇福宫有云瑶草春常在瓊 當花去只在近園中畫深不知處又云桃李飄零杏 霜晚未晞豈不華麗如水心雲影閉相照林下泉聲静 别更迷真尾句當細味可也如傍花隨柳過前 愧我不能忘外 持 此三首雖倉卒游戲世之苦心極力賦詩者未必能 酒公能樂飯糗養裝我自貧若語至誠無內外 滿城車馬響春 國贈先生詩云曲肱飲水程夫子宴坐焚香記 樂緑尊紅芝對西曛先生酬云對 愛就中得意張公子十日花前醉 却]1) 閑 使 雅 1

愛 豫乎桑田之事而已也前 異物心致美乎桑田之器而已非特致美乎桑田之器 力 絕與前 露之變俯察蟲魚草木之化以知天時以授民事女服 事乎内男服事乎外治自内而外化自上而下上 王荆公詩說極有佳者其說七月之詩曰仰觀日星看 巴也的可以成禮者皆致美馬人無遺力矣故事 而助弱不作無益也備豫乎桑田之事而已非特備 下下以忠利上父父子子夫夫婦歸養老而慈幼食 静自得之句天下無不熟者 王荆公詩說跋 同正来卷三 可以除患者皆備發馬不貴 9

言陰 之先至者也周正建子而此所言皆夏時者夏時稼 矣則言曰陰生矣則言月與易臨至于八月有凶復 享也節夫然故 栗烈說彼曰上 日來復同意然則 足 以逸樂終馬此 又有禮馬士不 見所謂人 治也地無遺利矣故物不可勝用也女不淫而仁 生也陰始 IE. 月九月此曰一之日二之日何也陽 凊 **人月之義也 也授民時則用人正固其理也** 於四月生於五月而於 天不能灾人不能難上下内外和睦 四月 而武也又有義馬其祭祀也時其燕 正陽也秀夢言月何也秀夢以 黎回 经捐 斜北 **瀏一** 四月言陰者 丈 又流火 得此 之說 而

先王之言於道理規模實則未有真見非若管仲猶有 知名未必有自任治天下之意文章學問之名既盛位 古註音扑讀為剥皮之剥非也荆公集中已有奏狀乞 王之所為也而實則不然荆公說七月之詩論先王之 其言語議論亦時出於先王之緒餘觀之者以為此先 删改矣回謂荆公之學似管仲管子書今行於世其所 喜摩 以與利致富強之 以高主眷 如指諸掌然卒亂天下者何也其少也以文章學問 之齋 惟 剥囊說云剥囊者剥其皮而進之養老故 日隆於是一 桐泽卷三 術與先王之意相背 馳如米炭矣而 一旦以其意治天下而文之以 <u>.</u>

管子之書文多可觀而其術有市井之所不為太史公 地間心術皆壞馬而莫敢為異是以其禍如此其烈也 諸君子攻之不勝繼之以章停曾布京十之報復舉天 楊淺荆公合天下宗其說身已死而蝴黨盤錯於中外 今未艾者管仲止於治一國身死之後伯移於晋故其 管仲明知王霸之異急於立功救時故託王之名行霸 及蘇子由或不盡信之以為游士附益之說荆公之書 所見かり 以其行事廢其立言或猶有味其說馬是重可嘆也 可觀勝於管仲今天下亦不甚宗之然前輩鉅公 一二也然管仲之禍止於齊國而荆公之禍

好而一 殁始知名故妾解空帳殘兵口别營下三句有唐人 之實霸功成而王道衰開天下後世功利之習自管 铁其心之當誅荆公者其心灼然以為王者之始止於 解山劉子輩彦冲詩極住其悼李奉云氣聽當忽敵 以為此皆王道也聖人亦不過如是則其所見又出管 如吾所為其聚欽也其用兵也其陳君子進小人也自 時之功臣而萬世之罪人功取其事之可取而罪 下矣荆公者尚不識王霸之分者也 一時尊周攘狄亦中國之一幸故回曾謂管仲者 讀劉屏山詩跋

園歌舞足風流美酒 不善蹈襲柳與屏山用意異矣又萬炬銀花錦絲園 雨梧桐皇子府春風楊柳相公橋者為時相所照非 又 座 有云照起平沙晚角哀北風四首 燈火上換樓輦數繁華事可傷師師無老過湖湘 即事 徘 門外軟紅飛凄凉但有雲頭月曹照當時步輦 王傅宅春風楊柳大師橋近年用此二句換易為 尚 徊廟堂 云空嗟獲門誤前朝骨朽人間罵未銷夜 **汴水補穿故苑來紫色蝇聲真倔強翠華** 此 相江東港三 日無遺策可是憂時獨口菜甚佳又汁 如刀 解斷愁憶得少年多樂事 恨難裁准山巴 稚 喝

望賓至聊可好無賓自倘往其醒心泉日蘇離 然堂吾廬猶未全作意創此堂悠然見南山高風邈 書子細讀其詩皆幽遠淡泊有無窮之味其首篇曰悠 書之而總題 衣 未必不曰為聖傳十論者亦復爾 屏山集中有潭溪十詠又有續賦家園之詠文公賞親 即所謂汴京魁妓也感時傷事詩家不嫌如此不 檀板無顏色 一曲當時動帝王皆極詩人之趣 鏡明携瓢酌清甘謬然堂心神我病不能酌時 讀朱文公書劉舜山詩跋 其後日病翁先生潭溪十七該門人朱意 田工業器三 耶 Ł 掇 知音 師 相 師

潛無情林花為 嚴曰不見 暮樵歸寒山雨中碧其南溪曰那為溪上 朱文公取儀禮十七篇分配門類廣报諸書充行其義 農家春新 已成者家禮鄉禮學禮邦國禮有儀禮以為之經而諸 古流不去其百花臺日何處春光多時登百花臺主 來聽冷冷其懷新亭曰茅簷入竹低曠野時寓目寂寂 云病翁屏山自號當有句云我年三十號病翁 讀朱文公儀禮經傳版 回顧悠悠出山外浩浩無停注惟有舊溪聲萬 秧滿 誰開使人一唱三嘆可與幸柳相 田緑 何時稻登場秋山響遂撲其宴坐 L

為之傳有註或疏問斷以已見名曰儀禮經傳通解 成其門人三山楊復號信齊續成祭禮皆以儀禮或諸 黄勉齊續為丧禮祭禮勉齊後成丧禮矣祭禮已葉 朝禮無經而有傳名日儀禮集註盖為未成書也皆屬 今並傳於世獨 有儀禮圖十四帙特贈便文林郎其子心得免解三 文公儀禮及勉於續安祭禮於即學書監取之以去其 書為經它為傳站名曰儀禮經傳通解續南康先營 書之不出於儀禮者亦揭之以為經依一字而書之 楊信齊所續祭禮淳枯六年以江西憲鄭逢辰繳進 可止此一人... 檀 圖 則寻未見由祭禮

併 اللا 原 言之意郊祀天地當南北分祭而合祭非边廟制當 ジ 明 レス 太祖東向亦非也郊當 廟 祖之向左右分昭穆而同 既勝專用小 無遺而國家制度多不合於古大綱正故化之原 而政之用或不及然不幸而惟王安石得志功 祖宗馬非 明堂當 不勝其多由 附於老子之宫尤非也桃四祖 如 周之 也良由諸大儒不皆得位故性理之 打造港三 人故所為更張 如思之不 配文王而誤 画巴 如因循扶持之為責也中間 廟具室以西為上非也 認嚴父之文遙 祖 雖問有當於事者而與 而並 配藝祖太宗 别為殿而給祭 配其 利 說 レ人

明堂 縣 业 桐 桐 則 亦當舉行北 道 君樂錄 以辣名 桐 於此或 君 君 桐 四聖並 溪 桐 讀樓攻 姓 相司 名盖不 邦 智 相 侑 問 岘 兹 郊 云 同工業卷三 逆 皆 荆 則尤 承 其 褪 何 僔 州多荆 用 レス 姓 救 レス 桐 也攻 启 此 出唐武后之下矣禮固 於亂 則 之 指 得 桐之大垂盖 祠 不 岩 名 桐 蒯 詪 **妮又謂嚴之高士三人** 知 以示之 桐 跛 如丁大全當國增 既為縣又因以名郡 州多蒯 君 何人也棲攻處 人因稱為桐 如廬有隱者採 豫章以木氏都 不 可輕 髙 君 宗 桐 馬 廬 謙 狄 故 尶

無 詩先嚴格律然後及句法得此語於張文潜李端权 隐於漢名終不 周紫芝字少隱宣城人及見南渡前諸老紹與中仕 中甚多住篇五言如日日湖邊點頻來我不填故 知為 郭功父徒竊虛稱在詩家最無法度予謂此言皆是 司知與國軍自號竹坡其集曰太倉梯米集當謂 地飘泊燕依 百里客舍遂三春紅落含桃過青垂小杏新光陰花 何人其殆最優平此亦善軒輕立 讀 太倉梯米集践 可况方干隐於唐又以詩 其格律句法 可現也又幅中霑雨 論 題 ナ 桐君 者 湾 洏

拄 曾有七言排 掛 非胡澹菴之從寧免作供官詩為壽刪之可也辨碧 設未當為附雙田成陸傾崖水作簾木抄收殘照雲間 中詩其說謂古今語未當無對琴家能說俗耳者為 日 詩及序當乾道乙酉唐文若為序不删去何也少隱 觀於是以設客曲對供官詩秦橋當國勢酸薰灼自 曲頃時有作送太守詩者問之其人曰此供官詩 數星雲破千峯出秋隨一雨生幽蟲近床語黃葉到 杖看雲移長鬚吸水去小般得魚田冠歌從自落 飛好句貧猶得衰容醉亦丹皆清新可喜但秦槍 體 网征集卷三 聯云設客元無琴裏曲供官尚有篋

隱 夢得杜牧之黃魯直杜子美張文潜陳無已陳去非 家詩抄為詩八 騢 齊陸放 杜 然學 紹 剕 郊苦思出奇 可選而 與元年 公詩好 為 不取李有 非 詩者不 陳 翁 梅 者尤多子亦當摘抄矣梅 if 聖俞所 四大家詩亦不可遺云 同南文集 地山中不能盡挈厚書唯有柳千厚劉 轸 可不會此意取鄉 深意也元白巨快子當摘抄然皆律 以謂 作此非私於 皆適有之非擇 觀章應物幽淡篇 跋 鄉先生 不 取韓 聖俞吕居 而 一乃公論 篇相似 取黄不 取 予謂 地少 難 取蘇 此

時 利 珊 集 之後來諸君子 所 物 陳 而感動之向來 雙行 然 约羽 晦翁時為浙東倉多言数旱不 此須是自家 固 轉 架 ·解其二 按唐仲友事亦不及講學甲辰書一深諱晦 甫 漏 王伯並 所與晦 牽 鍒 補之 į 用之 於 氣 無乃又失之碎 諸君子固以失之偏今欲鬪 翁 謂 漏 詺 力可以幹得 八書淳 堅謂 其後乃有人儒之辨乙已書 機以漢唐暗合天理之 雜論五篇者 漢唐之君本領 熙壬寅書 論 動挾得轉若只欲安坐 及講學癸卯書 理 以呈晦翁今不見於 論事若箍桶 三其 非 謂天 說為 不 飣 而發施 洪 非 翁義 纵亮 惟 論 且

遂 廢不可謂千 間 息 無常廢 為聖 器為措辭 眼 何 レス 為盲 譏 物 正欲 為 剧 一門之 非 漢 謂心之 架漏牽 心有時 道 不 攬 高 罪 赫 可 之 五 蚠 祖唐太宗雪宪以為皆居子之射惟 レス 失矣其三立開 用 補之說其二大諱 而 銀 百年常廢然同 日當空處處光 開 開 有不盡而無常泯法之文有不備 錮 沢 眼為盲者摸索暗合其說甚為支 眼 鐵為 不可謂千五百年常泯法有時 運用即是赫 鍋 明後 南 謂 眼 閉 自悔金 脇 天地常運人為常 世英 日之 眼 推尊漢唐貶 之譬 光 傑 銀 明 謂天地 閉 碅 鐵鎔 不 眼 胡 御 可 当印 作 做 者 而 而 不

服 心當其 幽眇而 秘書之學至 書曰往復諸 不能 兩 詆 一於至公者也亮所以幾縷者 兩 晦翁因吾眼之偶 勝 繼 辨論 助秘書之正學也然則必久至於是而後心 耳 踉 基 號呼 盛然朱 而 レメ 同工表卷三 之殷録往復書以質之陳君舉君舉答 怒罵矣丙午書 書 公而時行之學也秘書之為人掃盡 語 有同告容畫界而立有 搬戈直 熟復 大占得地段平正有以逸侍勞 數過不知更幾年間更有一 上而無修辭之功較是輸 開便以為得不傳之絕學 一為第八書 所以開拓大中 似結 夫然後 擅 鲞

學者非 翁 如王命論 婚於盜賊 南之奇偉 獨 之說 運而上無兢畏之 ゴカ ゴカ 到 由 通不如樂設論之迂闊以城不遠天命可以首得而以 支之君由晦翁 有成調此 同甫 處 此 同甫文集二跋 之 늘 成 便 說則是三代即 切中 是有德事到濟處便是 同 甫之病 翁之說 聖賢 有 別と 偶 然 人説則是漢人力 濟 居樂雙立判 八此其亦 瞄 何必有 有 有理為 翁 覬 観之 理 為 臣 唐 力 同 斷 临 扩

或 鄉 得 之夢故切名汝能 其 而傳以蘇文之體乾淳間場屋之所尚也上孝宗皇 問 三書氣太盛意太迫以布衣之士而欲限 俠客 對清 又二十二 取古人成敗之迹 同甫之文 是亦 光 辨士之 何 同工表卷三 年 其躁哉且歷誠當時公卿皆不足以望 召 禍之道 何如子曰時文之雄也酌古論縱 風魚有禪 對首選老矣乃祖故有狀元童 而字同甫後改名亮 斷 子師序足以見其狎侮邦 與晦 以已見拾戰國策史記之遺 树棒喝之意年二十六萬 翁 論辨不可 此 平心定氣 何足詫 レス E

非之子亦非之謂同甫得 精義凡書簡肆俗語而少雅言葉水心為其文序而 為之惜其遇朱吕二公而不能有所化 無含蓄涵融之象送具恭南序足以見其所交所喜 百 何 所見之陋 同南晚不登進士第則世終以為狼疾人矣真西 同甫 跌荡 歸而 两 請陳同南文集三跋 以發 暴 耶 理其 其借彼喻已之私凡策問騁粗逐而 死 同南幸脱图圖卒不令終殆器識 疑有毒連坐及同南其 鄉人辦會末胡椒置同南美 狀元足以盖其平世之 一民吕興何 廊欠

書墓銘也然予間娶之富人子携妓遊某寺登講堂 其事臺官諭 歌絳黃龍勸 亦諱 處同背盖 可圖 四殿吕天濟 同甫 有起廢為盡 同 甫 不書曰病 可方 魁 レス 一未可知 此遂與大獄孝宗抹獄卷置不問水 天 監司選酷吏訊問復入大理此葉水 酒富人子縣子也容令如即尊位狀后 桐源卷三 同南 且死恨曰陳上舍使殺我縣今王恬 下而歸虐使桶匠欲取其女偶為方 力者葉水心且 夕卒非也作胃得志慶元黨五 云 百端怒詈匠恨甚以桶 免使同南無恙 出 刀殺 it:

郭 瑡 轉 辨 反 正 抱 官 它 間 友言未當落筆又謂 涉 翁 務 五年戊 兵部 夸毗 如永康 騎 徴 欲 廹今供 以書 許 申 侍 レス 浸 説 陳 於陳 往 君 İII 此益覺書不能宣今按長樂 失本旨盖刻畫太精 qq ار ر 舉 鵬 選 月 之念長者前有長樂之爭後有臨 林 答晦 思樂 栗 晦 動數千言更相切碰未見其益學 輙 劾 翁 アイ 公此臨 論 答 翁 レス 企泉三十年闡 易西 謂時時 書 新 除 跋 銘 \mathcal{H} 不朱 江 非 頗 西 諷 可性 辨 是 傷易 提 誦 專諸 有 偶有 謂 刑 見 是公 具同無從 之争 摲 簡 淳熙三年 其各 入奏船 水 公 感發 矜持 一有 謂淳 **业**樗 **F** 洏 戭 类 Z))] 就 典 腴皂

喧 糊 毋 静書始深明無極太極之旨而力攻子静之失也永康 短之態數 難學者不傳其後於林栗辨易之年冬十一 死於淳熙辛 王伯義利之 未鹅湖之會陸子壽子静執已見議不合當時言語 顏惟 吸不 鹘突無所是否反以矜持刻畫病晦翁其亦浙學護 知自 讀 恐已之 胡 反東菜不及見矣陳君舉非不知三人之 辨 摔 丑鹅 桐葉卷三 事夢显 所 往復諸書在癸卯甲辰乙已問盖東菜 聞為公所培故敏退而托之辭然 湖不合東萊與聞陸林陳三人忿對 書践 主 月復陸子 含 論

紹興二十 論定宏祖空復遺臭耳 何事哉在象州作 喻日 子戾太子忿氣散不散尤精於 以秦檜之文冠其首作序諛之日下有五色雲表 理 西憲錢宏祖蛇 明 胡評事夢呈所上書言濟 暢一字不 レス 讀 臣 宏 三年癸 喻 詞 總 雲 皇角 固可喜謂槍意在棒重輪 酉釣臺陸時雍守建昌軍 豕小人遽欲殺之以媚權臣今事之 類 可增減大計火計 跋 詞 有鐵漢之語真可謂鐵漢左 即事及所與史 幽微 四字尤佳所 者 其視貶死為 而瑞聖 刊宏祠 八彌遠書 引恭 總

年 史官 志 科 作 則 紹聖三年 雖 題 在 传 巧於传者矣擒頡 更 两場大觀 殊 分為一 处近 カロ 之直筆 口 裁 部 不 以 侍 世廢之為是 三場檜 打 レス 士刀 題 經 立 郎 x 靜 矯 桐葉卷三 科 年 中 桁 李 汴 矯 左 國則 乃宣和 都志序楚漢龍 握奏乞取紹聖宏 取士罷 王造應有儒生之雅 更名曰詞學兼茂科南渡後紹 司 利露布大寫束惟明明 义 Ŧ 以上 五年以客 岡等乞以博學宏 詞賦故立科曰宏 誤國未當有擒 不 習 淵銘俱 州教授 詞 大觀 歌 僱 平 殺其恩數 共 聯 詞四 頡利之 廟謨請 中詞科 平是科 詞 詞學兼於 科為 佳 題 興 謂 分

試 之 先生多入陝 長安李復有 於是愈工而 衍盡壞知獵 命 於横 論 俗 車 呼為 則 題與試者之作文無非力試 渠者未 必件童 戰 讀 及那恕造舟黄 .]、 李 西戎幕曉暢選事勵夫握兵以抗 潏 袓 酒 詞 一時之榮而不恤萬世之有公議痛哉 宗 詳 買业金 水集 科自 水集刊於信州晦 時文章正氣掃 知其出處也及讀樓攻處集 跋 紹 口口闡中年高旦病 聖創學以至靖 河事 說易尤多可取盖早 元祐以 地天下文人才 翁屢稱之子近得 康 媚時 之亂凡有 論 謂 相 中十 四 不 潏

芸庵類葉言愿博徒之雄考歐陽公集古錄序以貞元 **曾魁流寓解** 龜朋字才翁為恭政錢端禮之館客端禮孫象祖之師 色徙武宣以侈費激李臣則之變家死於兵後起於 客上柱國元和初為銀夏節度使徒節武寧鳳翔通聲 東坡之言也然愿乃李晟之子想之兄起家為太子富 唐三百年無文章惟韓文公送李愿歸盤谷序一篇此 又以光侈敗未當能踐文公之言也實慶府有李洪 知兵強起以守秦州卒死於賊則必靖康時也有孫 請盤谷序跋 不仕有迂論傳於世居台州 桐泛乐卷三 T-L 河

那無酒一 讒貶山陽令有激而云愿於隱士不足以當此序也 俗子令我病面有三寸康衢埃風饕雪虐君馳去蓬力 多 劉章梯誌疑陳簡齊集二詩為非簡爾所作其 夢俗物眼中埃下 刊石昌黎時二十五歲自四門博士得御史為李實 二詩怒詈誠太露然詩人每惡俗人山谷云德人泉 讀劉章梯誌跋 讀續釋常談跂 杯其 一寧食三斗塵有手不揖無詩人予謂 一句不已甚乎劉評詩不當者甚 献 P9

水心生於紹興二十年庚午實應生於淳熙之年庚子 作二字子讀左傳奏謀注中有之則晋杜預時已有 塩香謂皆無者東漢光武 記語懸牛頭賣脯西漢卒更 語襲引北史平鑒傳及報應錄 践更過更更成左傳客氣李陵傳注眼語漢上題於 密時民謠匙貴於杓益貴於樂成實論充角鐘毛蛇足 所常道之語也石 釋常談古有此書而七歷陽襲順正為續 史記毛遂目笑金燮密記鼻笑皆不可謂常語 讀篇應荆溪集 阿江集卷三 湖為之践然不皆常該問有奇語本 跋 出處為始則非 釋常談釋 W. N. 眉 **於田** 此

資牕年二十 門為譬而誠夫名為樂 年水心之卒 回 /水, 四開 年 許之為晁張 日舉天下之學皆不足以致道獨我能致之云 以學致道不 ツミナ 三十五登甲戌表榜為青田尉時以書見水心 格三年七月水心罷江淮制置閉居十七年 朱張吕三大儒未當有是我也出於其門名 年 四時 在嘉定十六年癸未正月二十六日年 荆溪年三十登两戌五榜年十六時 荆溪生於慶元三年丁已少黃總 以道致學道學之名起於近世儒 以書通水心為道學名實之說 而實未當舉者 姰 似迎合水 レス

鄭景望公既叔事薛且師事鄭又與陳君舉數公博養 果 端 廣艦得其粹完陳無已學南豐文山谷詩不如此模 學水心文造語用字全似蹈襲則不可矣薛叔似墓誌 也水心為作胄 何患焉貧聽為文已成而印可於水心初葉是也續達 云刮皮脱澤晶熒流通時永嘉經制宗薛士隆理學宗 與謂陳公之滯於三館 平. **県而實未曾舉以之欺世未有事久而論不定者** 不為相所親啖以兩制而索其文則拒不與陛對 不遠 引亦可憾也荆溪祠 相張卷三 再出有可議 地鄉人 天台六先賢於學黃應 而算應自實慶召試 囑 以祠記論權 相 做 則 頓

亦未也荆溪之文稍不及賞總各為哭水心詩 文 無 重不 地 初舉 冉冉 足掩 心之見 盏 1 其言之戾也貧應祭水心有云始見阜陵則末 文 回 疏 見 行未也嘉定亦不同端平者多矣資應之 朝 詞莫太 謂 再遇光 尤 不為 荆溪有云韓 則 辭 其未親而於韓 觸 也永嘉諸人嘉泰開禧 廟 工回 尼 不 諱 予 則初 不顧 謂水心文惟其太工所以不 不 顧端平 元之忽忽荆溪祭寶應又云 柳 詞空偉歐曾見未親回 三事未為極節不隨 柳 得 用兵之議 一班耳 間出處垂剌 又云受 則 珉 十力 辨之 事 盍 用 則 ど 聯 迹 及 謂

無 핶 畝朱文公尤不取象山二人無此膽此弊而荆溪於隆 及序記如四六疏文之類皆可删水心多以瘦解险 韓 熄母云左腕乳 心文子已取其記序誌文評之資應荆溪皆長於銘墓 東關分十年之冉冉貳監胄分數月之忽忽水心認道 張 以示學者入 别也近世諸 名列 文雖高不必似之期溪當舉是言而自背之何耶 吕陸之祠 左乳哺右 桐族卷三 74 褓右手終緝荆溪母事狀云左提抱右 強為融會之說 祠之者尊敬之也為 沐櫛文章機行果脫整而已耶歐公云 則朱張吕為是而陸為未然不 往往畏江西之黨如包版無知為三

良字明輔當為 號克齊朱文公有答顯道二書謂其忽畧細微徑趨 包恢字宏父一字道夫號宏齋建昌軍人父揚字顯道 柳寶祐两辰致仕年六十皆台州寧海人表兄弟也 言夫論學且爾 國子司業直舍人院端平三年卒年五十七期溪静 人文未有能過質胞荆溪者質應諱者御字壽老仕 江西合為 祠 記な然記 讀包宏翁弊幂集跋 排文公之學或者屈而調識之過矣然近 カ 則為政而行公田宜其無忌憚也四 雨浙漕湖南漕片嵩之清之終司農 韶 語謂無極乃老子之學非周子之 明

中去一 妙 進 與崇象山之學為浙西憲時俗以包屠呼之於包龍 理為障敬者也恢淳應九年壬寅生慶元六年與申年 打人不可救勸其二口詳道敬道亦有書答之皆欲救 正其為學之偏三昆仲以陸象山頓悟為宗以讀書窮 不敢言惟給事尚書徐經孫當以書諫惟知臨安府 士初任光澤簿次任建寧教表前廣微為漕守因相 府無發運使賈似道行公田法時 九當見文公於武夷嘉定十三年庚辰劉渭榜 人謂向見前舉程文從頭罵去如人醉酒發在當街 一字謂其酷也景定四年癸亥年八十二矣知平 THE LINE WALL 諸 人皆知不 便 三甲 而 圖

西 肯承當矣於是先行之平江而克思重得罪經孫遷翰 **愈書樞密院事明年丁卯正月郊祀恢老病不能拜** 帥 責不解且替以為是似道大喜語朝士謂包道夫答書 事或不見從馳書諭意恢以為不可則止矣乃披襟 道尋遣人給曰臺諫有疏恢跟跗出關追依舊子祠 月 的魏克愚不肯奉行苦言勘止似道初患恢屢更民 而逐快老緣貪進失人心找國脈自此舉始移紹 辰十一月十二日遺表聞贈少保年八十七前輩謂 四日也年八十六矣尋以資政殿學士致仕又明年 除 刑 部尚書咸淳二年丙寅五月除端明殿學 有三年老三 題

窮之猿 云昆命 祠堂 周子通書與二 晚節 有理政不待妖阿黨私門也妖所者開闢洪荒說 日乃曰象山當 淵字子静核山疑太極圖說以無極為老氏之學 記梭山田九韶字子美復蘇日九齡字子壽象山 而自違 回當摘抄二語以示學者無極即是無形太 靴 可鄙 圓通無形象無窮 恢豈不 之可 也今讀其集文晦冗而敢於誕所為 程俱未常言及無極文公集有答陸 **乎力辨象山非** 头口 聞鼓聲而悟然則 公田 之非 極即所謂 釋氏禪學口費氣飯 端明僉樞而遺 無極而太極 禪 何 地自 極 PP

學兼善談命健啖嗜大肉世道衰而怪物作悲夫而好 月二十三日生紹與二十四年甲戌以生日卒于封州 北 策問謂太極未有形今以 吉 叉 見文公乃父亦出文公之門而為左祖學之所入不上 強為說而心不明則臨富貴而失其守也至為太極圖 回 斯 誣該通書似道德經則肆無忌憚矣或謂恢本教村 謂恢所疑如此則是聖人以一奇一耦畫卦亦非 既 **基**朱陸二 公分兩儀立 矣 剛中字亨仲婺州金華縣人元祐四年戊辰 鄭北 柜藻卷三 山集政 何其紛紛也其於太極片 圓形而為圖則是有形

葉 上是人家荔枝受暑色方好茉莉背風香更幽四隣 熟人常笑萬六秋深葉不枯一句如色熊葉底稻田黄 老榴花落抱樹猿啼筋子丹盡角樓前皆閣外虚棚 無罪死烟瘴文簡古詩峭健在封州詩尤佳如出巢燕 第三人年四十五矣八年戊午入察九年已未以秘少從 **仵秦續誦潯陽監濠州徙封州安置十九年已已看也** 樓樞密路出論京陝過從十一年辛酉為川陝宣諭使 年六十七政和二年辛卯貢辟雅紹興二年壬子進士 明年為端明殿學士宣撫副使在蜀六載十七年丁卯 水心謂中與成功業者不數人而亨仲與馬然後 行きまた。とこ 竹

蓼河豚魚及每夜無燈春雅則燃松明為之灑涕 後山詩話二卷回讀之非後山語也第一 皆奇麗五言如花少蜂蝶瘦两用之想自謂得意又如 某低無對手絕妙盖當與陳簡齊同舍其熏陷有自也 回生於封州而先君不生還讀此集至那人酷嗜兴頭 胞歌枕夢春耕最愛紫廻水自由雨餘燕向花間 北浪此聯淺露委弱後山詩勁峭孤拔不為此等語 不喜此等語也內一段云唐人不學杜詩惟唐彦謙 云方離海底千山黑綫到天中萬國明不如真本自 讀後山詩 都治り老三 話跋 段改太祖 E

所為 後山元符元年戊寅 始好事者托名為之其評具僧白塔院詩謂到江具 年癸已生少山谷八歲必不識其父此乃稱為今黄 與今黃亞夫謝師厚學之回謂山谷少孤後山皇枯 非 雖滑稽而有味千載而下讀者如新非後山語也 隔岸越山多為分埃界子語然後山集發塘寓居 云聲言隨地改吳越到江分回故 後山語也又 讀後 بلد 同工具艺三 詩 註 段舉山谷買魚穿 踆 魏行同登快哉亭詩任 日此 柳聘衛 蟬詩

城 東坡與提刑李 眉 云麾車忽南 亭壓城 耳故後 春亭故 鑄 集有此亭 山蘇公命 刑 獄官廢廟也 方回慶湖遺 地黄 山詩 隅空 址賀元 北崇 州之 日快哉亭下 記亭在黄 邦 闊 云 快哉 老集 來牛去馬中年眼 熈寧初 直清臣也東坡時調黄州故 豐六年癸亥為徐 辱生譽毁至元符戊寅則東 延四望 بر 亭清 始知亭在彭城 州不 有典造數 魏 夙昔兩文雄 知此詩 邻李 河 張夢得誦 公持節作亭郡太守 朗月 1 屬 十步即唐人薛 錢 胡床此相 郡之東南 何處 清 監官賦詩 居亦東坡 風萬 地 賀詩 坡 回近 向 里 又 隅 諂 讀 能 提 謂

ie書半口口口口清筆横眠似欲秋聞說歸朝今不 塵埃選有此亭否 樓遺跡所謂 屈子之遠遊日惟天地之無窮兮哀人生之長勤往者 余弗及兮來者吾不聞吾晦庵先生釋之曰神仙度 此名子由作 中居人寂寞 淵不知徐 由在徐州 跋 國史定養胡公升丁已雜豪 老畢家大蘇碑猶存而棲僅有破礎在 又有 州有快哉亭盖南渡後鮮有中原圖 同正果悉三 記亦在元豐六年亭名同而地不 一時亦不知快哉之何在云 即快哉此亭者回此過彭城登覽 邦直見邀終日對即南城亭上詩 E 水型 同

願 回毎讀 少須臾無 則 大全據言路將得 生 者之不得 以俟 無是 安能使人不為没 者 不得 何 至 マ 此未當 哉正以往者之不可 理而 レス 須 死 耳然往者之不可及則 間 譟 則夫世之惠迪而 不 其反復 而僥倖萬 與過大理寺以恐嚇之然後排置 可 不三復其言而深悲之歲實枯 期 志用事逐董丞 也審 斯 世無涯之悲恨此屈子之所 爛 於神仙度世之不可 矣屈子於此乃獨眷眷 而睹夫天定勝人之 及來者之不 未吉從逆 已末 相 槐嗾 如之何矣 天府將 得閒 而未 前 期 丙 凶 而 獨 欲 而

對 可當 客竊嘆遇上疏 編校尤公案 居至今所為文 外夫丞相有 公為口人 、史事 是時 工徒臨汝又徙南安今所存丁已以後雜豪者 如其為人公生於晦庵先生之里先生之高弟亲 疏者天府 縉 披寶慶以來 神 桐还集卷三 人傳語訓索其豪公對有理猶坐他 學校成切齒不平端明尤公提綱 除奉旨逮公簿青籍索楮閣視之無 罪可罷也小人作威蔑國體若是則不 业 厚客也大全怒逐尤公或告公為尤 列其事巧去吾州婺源胡公升為 和平粹密古瘦清淡幽而光微 一朝立傳臣僚未當修纂據 美

文之精與不言 學論語矣而孟子終不 來者吾弗 也夫人學聖賢之學悟性命之理而又閉世故更患 六歸然老壽為世全人而大全及其黨践消影絕 人之所極者卒皆抱恨九泉不及聞睹公今年七十有 公味道乃公之師公被 遺奧有不可 紙無遺當為四書增釋訪 粗玩 點也 賦出 聞晦庵所謂願少須 而 **冺公雖位** 可知回所獨喜者公之壽也屈子所謂 理之終定者身及見之則其曾中 逮時衣器書硯湯盖平生 可復得斯文者盖皆公之老筆 下力微 求朋售 **史無死以睹夫天定勝** 額外物去來何足控 問得所抄中庸 火矣

為守始 於 悲言相 良 宋 之文而有 太師之居公年十五在侍傍見為 然當何如耶 恭全成同人上库 嘉定主申先君升舍選候廷對過 次酮 與二百 不朽云 劳 刊布之回 雅異成 跋羅 斌 然德 \ 問 於 罗 明安 回生晚後公三十年複拜父執又得誦 回先君知縣獲託交於公之太師使 桐葉卷三 又 ħ. 巫 朴 尤使 年淳 間先生君子南渡後文章有先秦西 九十六年 猘 公君 伸 雅 名獎 消長之際也書是說歸之以托 湿 熙甲午新安存齊羅君願字端 精字 咸淳與午後儀王侯應麟 謂回貌類見居握 ξ^{\prime} 更 尼嘉 公先 名

尚書 知所自來 彌 又 劉 女口 C 漢 手抄副 謂 此 雅 e 風 公清之子澄 翼者 羅端 卒令新安志 石开 推 以南 少長落筆萬言 羅 本三 序見 而 न 良 劍 别 誀 <u>J</u> 剽 州 州 襲多靡勞餘 後世子雲矣回竊 十二卷侯 PÍT 此 1). 陛 行於 辭 集 可惜盖年四十餘使老壽進未父 刊 砸 既冠 南七歳 孝 世未見其書回訪求得公之從 庵 世與馬班等 廟 躬自校 調 大賞異俾易 乃 力名義曉然古 数 文有經緯當欲附名 巴能為青草賦 月 調近 讎 不妄下 小集 雞度聞隱 世學者 鄂 僅文之 **/**} 以壽其 語 明 有終 年 於 訖 其精 集 首 天 淳 孫 能 地 後 思 HC

自 甩 承 图 皆前 能通者或開卷頃刻 據所學陶天下俾 知也 瑾陸 獘 以反經言權以姑息言恕以輪 陳 者患馬賢侯父子有德吾州當 踵 以誤 样道 淫 機 訛以無言 代 所無 罪 張 本草 遁 禮 捐曹惠 同子が、たこ 挾 先 書為尤博考論經傳草木鳥獸蟲魚則 為世之害而不以 儒闢之非 道以氣言性以 是以求為儒易易哉雖然學陋俗壞 本末精粗 邢昺陸佃不 而得之道德 不至而士之陷 無不 廻言死生 知覺言仁 如此翼之為尤悉是 誤 性命之類有 註易 蜗 レス 以計 溺者 直 祠廟 世 北 猶

范陸特 都官 感先以公詩二 十卷録諸梓 或曰尤蕭 後學方 白行草八分書 厥 中興 時 後 郎之孫 以來言治必曰乾 則 擅 跋 有 遂初 名天下三家全集 回 然千嚴養世 詩 散 滁 和 獨 尤 識 陽使君之子為古欽通守博 をすると 陳去非 未暇 先生尚書 詩有家法以 及 不 淳言詩 此歲 顯詩 吕居仁 命 板 回當 行遂 刻留湘 回是正 在甲戌公之曾 徐 必曰尤楊范陸其 請益斯文 師川韓 初先生尚書文簡 中傳者少尤楊 訛 偽 回謂 雅 概然 孫 **女子** 尚 古 光

然近 所 觚 **娘雅盖皆胃中貯萬卷書今古流動是惟無出出則自** 善為悲壯然 也舉是而沂 以其渾大典正與中 又豈止於詩而已哉 謂 以為怪苦流 不過文章之 世乃有 及聞 政尤 正始之音者至阜陵在宥而四鉅公出馬非 無 水寮詩 刻 沿上下其說 桐溪集卷三 削 以為清塵腐以為熟者是不可與言 端然必欲佳句膾炙人口殆百不 以為新 語 原諸老並敏誠齊時出奇峭放 不天成公與石湖冠冕佩玉度 組織 則於今而夢想乾淳之盛者 以為麗怒罵以為豪請 芄 縣 绡

句盖住句也自是時與 愁異完鴉歸 之苔雲又得公見示晚鍾詩 A 尺樓中透遠路幕府有聯句賦落葉者公 进 首 飲夜出扣角吟 尤公來為紫陽別駕回適亦奉岳祠歸獲以屋报進 煅 非有 月煉以求 間公下車有詩曰累重無歌舞官閉省簿書上 上下古今之博識出入天地之奇思則雖 口住 喜見巢盖皆句之絕佳者也於是公與 其住亦不能矣咸淳癸酉之夏锡蔗氷 句 口 編退而讀之佳句如蝟毛雜 猶未以入集則是編也公平生 **動州** 四昌 有曰三條樣 公住句提出明年秋某 下歸空榻 聯曰蟻 出 百

青史吾恐不得 文章 伯父木石先生不朽人也事 訪落收召是 而句之佳者多自足以為立言之 姜特立之召口口 勢威虐上疏 朽公之曾大父遂初先生不朽人也事高孝光廟 **適者多矣夫立德立** 照耀 跋趙 天下公好學懂古恬退雅淡 必踐二父世官且將立德立功以則 同樣卷三 相從夫夜半 松之由是去國不起名節家傳不但 丞相出范村不能挽得疾而終公 功立言三者而一 飯牛者之歌也 理廟以丁大全擊董丞 有馬皆足 郡終 不

謂天才矣是集也清新而不刻後逸而不放 思與光風霽 侯治此難治之邑而詩每出報工尤不見其難 冗病未能也 \ 是口夫泉南趙侯自號一溪年 之窮其源見其脉而咀嚼其味度幾神交與之俱 中所謂清新所謂後逸者盡真坐右與太白詩日夕 詩者 而詩集已前後數百千首邑不可易治詩 太白詩 以郭功父為太白後身使見一溪又當 溪詩足矣然則一溪者固今之太白 月浮動天外不可模做 新如庾俊逸如鮑子當欲摘取庾鮑 世有未曾讀 飘然 不 抑 不 可 群

旬胃中耿耿是與使高將軍脫靴者同為宗英中 萎諧於俚耳而從世俗之好暫焉有聞而卒泯滅於不 學者率不能進於口口自畫而獎曰彼皆天下才追鳴 雜麟襲文有西漢風詩如唐之盛時則其人有數後 朽之口也是故為文不及西漢為詩不過晚唐足以 麟後有識者必以子為知言 時不足以名萬世宋有天下三百餘年能言之士殿 所以異於眾人者言立而不朽場屋之口口口口口 耶侯高士軒近賦有杯光浮氷雪剑氣射斗牛 跋昭武黄 漢文卷 同意表色三 Ē 暮

朝 陵 而衆工一斧 **虹霓觚稜** 以為混然若天成而不知其鑪構之勤模寫之巧 山景 餘歲得其詩文若老於予者篇有新語語有新意 者學馬而已耳何天才之有哉昭武黃君藻少於余 夕也今天匠氏之為宝屋千門萬户之宫輪兵拖 賦凌二 然數今夫治者之為器鐘處問奏陳列宗廟觀 快雨 切雲漢豈神剣 都 陳公賞之近題鄭介公祠有曰當年不 一斤之積也然則士所以立言而至於 晴 樂二京殿殿手相 三月雷橋影不隨流水去漁歌偏 而思刻之盖亦聚而晕材集 如其詩有半濃半 非 帶 者 淡

朽者也 自 造 艾是將可以 南行容他日應無此将人官似風微言許大肉如蟻 其歸之急猶不得朝夕相從 食息不忘則其所 所得而佳句驚人不以思得之也極天下之用力而後 塵埃之外後四句痛快哀憤有切於世道由此進進 然無所容其力眼中縱横短長所見無非是物夢 方伸口不但當之且心服之前四句脫灑 至其成也無痕迹之可窺竟日思詩思之又思或無 不 桐葉卷三 朽夫作文之初 出有 不約而合者矣黄君勉之惜 以窮究夫古人之所以 濡墨引紙無一字 Ŧ 副虫 釋脩 伙

相 見 **予昔發幕金陵** 者於牡丹云看來固是最低樹外此 見為子晚進不敢如半山以沙詩試思既得君 数日始見君 半山例書曰詩人接楚材子請先以詩示然後差 無能為半山役而君之口太初也 犀云秋香無比魁天下仙種非 可語者耶故不求知於他人而獨於子求知惜乎 卷與太初讀之大抵多看題 跤 楊楚村詩 服 日僮 古口貌癯儼 持刺入漫矣視之口口龍太初 如長松 几 詩如太初賦沙之類 口月中又云滿 今試舉 都 秋 無許 鶴君意以 以人 行草 Ð

若無於萬云蝶成擒處身粘粉花蹈翻時足帯香於雨 名園不是無花丹凌駕春風不似伊於瓊花云一 花可比香於編花云房生裏面子虚實柄折中間絲短 時有花在着身高處看又云晴霄有月與佳色春園無 浮世香俱有與廣寒官花對開於茶糜云春將結尾去 是真難事要辨人生是與非於居風云有時移向西堂 長於楊花云從來把得堅牢處不是晴明不肯飛又云 云野花狼藉桑麻長除却他邊補這邊於雪云吞種固 外無遺種九箇花間有細花於驚云混融月色江湖夜 照應蘆花島嶼秋又云晚歸烟樹住猶見晚向雪汀)

我便無它則弱也曰要滿地甲處常鳴石激時則水也 有過於口口要為皆有思致其分也如十尺之物可折 日陰晴日野花香勝名曰窠花盆是地巢燕屋為天日 時人一面看其有一句佳者如西湖之驚等魚船近 飛如芭蕉之小 心抽出大規模如雪之除屏簇外少青 天晴常網濕船作自心寬則漁父也曰不須憂暑氣有 曰着馬輕較重隨僧皂衲班則雪也其他可取尚多或 如新之矮婆娑地却禁霜如爱梅之又欲其生树 如牡丹之器量不争正二月又有五言佳者曰雲堂 座青山逐手來於盡石云珍瓏不許多呈露只借 柳泽绿卷三

或 J. 譏之活法所在 也籍 猶有斧鳖昌黎南溪始泛諸篇两山真公選以 堅生意不露者 問昌黎門 百寸而不差其合也如水之月與天之月無少異處 心亦良苦矣雖平家口星半口口取 跂 秋場之豐年也島黃花寂歷秋則晚矣郊 具古 人訪 子可故近 同志永養三 梅 又不一 詩 也然則孟優矣視韓 執優賀春圃之麗日也口口清怒 回昌黎脩 十琴操亦詩 可 龍 レス 畚 律 四時之氣以文章 論 此 耳雞韋 辨 何 30 如曰月 桃認古坡老 柳 不 能 近 米 口星

算自趙明府所喜之外五言猶有實刀重如命命輕 鴻毛妾心江岸石郎心江上水及亭柳拂暴局瓶花落 力也具君式賢嗜奇學博為詩有驚人語如毛髮不 砚 取 於觀摩之義欲其翁之痛之而反於質故書是說 響與夫等容不來僮睡去自搖脩竹和新 地同流萬物皆備以詩 寒琴聲大勝俗人談病骨瘦於秋後葉松子落献 池野燒經荒塚科陽照斷碑七言猶有月侵鶴背 如府也隱之不如質也自會者不求知自得者不 邱堅便容携酒上樓來尤予所深喜者然私竊 一端言舒之不如翁也腴之 **唫** 割次 誰 有

金石吟之以指爪亦聲也而其聲與它聲逈口不 物之初末始有聲也形相憂氣相磨而後聲生馬莫盛 於韶足以儀鳳舞獸老嫗之荒牧子之笛至微也而或 尼精於琴君之詩其猶琴乎夫琴劉口太弦以絲微 馬三百五篇口口寒郊瘦島雖微可廢乎哉吾讀具君 聞之者為驚但悽愴何耶是故詩人之詩其盛者鍾律 歸其編云 梅詩舊矣以韶口之則口以為壁村落喻之則貶 銷享帝薦廟之樂也其微者亦猶一吹一彈之成音 跋吳友梅詩音深 THE LAND TO A LAND 同 則

識岩為牽挽行雲留一聲横玉西風裏蘆花不動鷗 先祖太師旌德公詩氣骨殊相似第旌德公祖述後 汪崇亮袖白雲漫藻見示以英妙之年為老着之作 是凡天地間之有聲者雖本於形與氣之所為而其所 月山陰主人載雪舟掀篷繁纜青溪頭平生耳熱欠 而崇亮頗多近體耳其青溪主客歌云野王手奏淮 歌吾思其說而未之達也試書之以問具 居馬 以感人動物之妙始必有超於形氣之外者以為口口 門户歸來有旌節伸眉一笑紫髯秋袖中猶挟柯亭 跋汪崇亮詩 杯?白·老三 與

前二十有五好而悟悟而進予知其将不可及也然當 崇亮勉之哉夫夢寐食息不忘是謂好心會馬心不能 奚 語是謂悟木之升苗之碩莫知其然是謂進崇亮春秋 者溪鹭路影立風蟬曳聲過五字之佳者也夢回酒 聞之先生君子感慨不可無忌乎凄楚痛快須有餘貴 知處月靜人稀方憶居絕句之佳者也餘尚多佳 可樂哉 馬蹄依舊入青山柳梢浸月天如水此樂詩之最 涵蓄有李長吉邢居實之長而無其短崇亮之進 汪君若楫詩文 桐種港卷三 美 画呈

所見的: 所謂善者 無主而 止口疑 誷 餘為詩文盈 以言詩文詩文亦道之 人先後次序君 歸之然 Ep 證 跋吳蘭鼻 之 故 審是從師 不 '確然者 聚馬而 外 بلد 回 外無正 外無 編 レス 許 其 中其已有所主 求 取友必得其人則告我者必以善 不散存馬而 正於不能詩且 正而不明吾 也主於中 加意於斯 而 不明涤 也解襟 則] 而正於外正於已而 围箭 鄉 何但 耳泻 不亡故曰中無主而 必有自 不能文之子 天 シ王 詩 地 君 以言道 作舟 間怪奇粹 得 而 不虚 以其 之地 E 到] 鉄 非 明

那哉 喜稱道蘭卑具元倫住的說看梅花便說君坡喜之 年而元倫年六十子亦老矣細讀元倫摘藻如泉幽照 亭年二十餘以詩遊於竹坡秋崖二先生之間二先生 影清者子擊節喜之淡靜幽深有賈浪仙之風而人世 如無夜勞生事更繁亦古人所未道昔者山谷喜宛印 如中酒落花風崖喜之坡今仙去二十餘年厓亦十 見者子於元倫亦云盖坡厓所見者元倫中年詩而子 并掃花之詞誠齊謂後來全集別有天珍恨山谷未 見者又有晚年詩元倫進而子不進則子徒老也可 桐葉卷三 麦 餘

					THE COLUMN TWO IS NOT THE	(1) (1) (1) (1) (1) (1) (1) (1) (1) (1)				que
A STATE OF THE PERSON NAMED IN	桐江集卷三於									
SCHOOL SECTION	江									
Same of the Section	佳								<u> </u>	
100 person	北	•] }					
STATE OF THE PARTY	包	!							! 	
1	1.4									L
			<u>}</u>							
7										
×	;						ĺ			
	ļ			}						
]			ļ	
I					<u> </u>					
		į			<u> </u>			j		
	}							}	-	
	İ							-]	
				 		. ,	,	}	1	
	į								}	
		Ì								
								1	}	
										•
į	•	,							}	
]	
]					ļ		